



UNIVERSITÄTS-
BIBLIOTHEK
PADERBORN

Universitätsbibliothek Paderborn

Acta Ecclesiae Mediolanensis

Acta Synodalia Dioecesana Ecclesiae Mediolanensis, Pars Secunda

Borromeo, Carlo

Brixiae, 1603

De modo procedendi ad sumendum Confirmationis Sacramentum.

urn:nbn:de:hbz:466:1-11399

scepturi sunt, quam qui ad eam patrini adhibebuntur, vestito simplici, moderato, & modestæ Christianæ conscientia accedant; & arma item deponant. Idem femine præsent: ita scilicet, vt ne fucio, & pigmentis facie ilita, nõ immoderato capitis, corporisve ornatu accedant; sed ita, vt cum capite rectè velato sint, tum reliquo vestitu, cultuq; eiusmodi, qui Christianas mulieres, grauesq; decet.

Vt omnes qui confirmandi sunt, accedant non incompõctis, atque vsq; adeo promissis capillis, vt penè frons obtegatur. Neque rursus fronte sint aut fortè madida, aut sordibus conspersa. Pridie igitur dici quo Confirmationem suscipient, caput lauent, aut mundent; capillos item tonderi curent.

De modo procedendi ad sumendum

Confirmationis Sacramentum.

Constituta die benè mane omnes & mares & femine cum suis patrinis in Ecclesiã suã Parochialem ad signũ campanarum conveniant, vt hora tertia confirmari possint. inde præeunte Parocho, parochialiq; sancti Patroni vexillo, vt moris est prælato; ad Basilicã Metropolitanã; aut collegiatã, aliãve, ybi hoc sacramentum Archiepiscopus ministraturus est, bini ordine procedãt. Quam verò diem, & Ecclesiã certã Archiepiscopus ad hoc sacramentum ministrandum unicuique vicinã parochiali constituerit: id ita cuncti seruent, vt ne quisquam neque alia die, neque in alia Ecclesiã illud sumat: nisi fortasse cõstituta eã die necessariò impeditus sit.

Venient autem primò in locum, scribendis illorum qui confirmandi sunt schedulis præfinitum. Eoq; loci testimonium præstitæ confessionis sacerdotibus, acolutisq; dabunt, huic curæ præfectis. Deinde vt experiendo cognoscatur, an & ipsi qui confirmandi sunt, & patrinorum, quos rudiores esse probabile sit, orationem Dominicã, salutationem Angelicã, symbolũ Apostolorum, & Decalogum rectè norint, Parocho in primis, & reliquis de-

putatis memoriter reddant; nisi tamen id in confessionis sacramento præstitisse, in testimonio ipsius confessionis appareat.

Idem femine exequentur loco decenti, sibi potissimũ separatimq; cõstituto. Vbi hæc fidei rudimenta reddiderint, accipiant singuli statim suscipiendæ Cõfirmationis schedulam: inde ad suã quicquæ Ecclesiæ partem, femine ad septentrionalem, mares ad australem reuersi, pijs precationibus meditationibusque parent se ad sacramentum hoc deuotè receptũ suscipiendum.

Quam schedulam vbi acceperint, alium patrinum quam in ea notatum nemo sibi quisquam eligat. Si verò quis ob causã eum mutet, schedulam item aliam sibi conficiendam statim curet, in qua is scribatur.

Quibus locis fideles conveniunt, nõ fusi vagè varieg; dispersi sint, dum morantur; sed omnes simul, & qui confirmandi sunt, & patrinis, decenter se habebunt, vt sese piè cum silentio præparent, precibusq; vacent: aut etiã vnã cuncti litanias recitent; quod vt verè præstetur, ecclesiæ presbyteri, ac ministri diligenter curent.

Prouideatur etiã, vt omnes Missæ sacrificio deuotè intersint.

Cum ad inuocandum Spiritus sancti gratiam preces fient, omnes genibus flexis deuotè orabunt, in mysterij meditatione fixi quod peragendum est.

De Patrinis.

QVI confirmandi sunt, singuli patrinum sibi adhibent: cuius munus est, filiolum quem in Confirmatione tenuit, monere, eiq; tanquam ducem se præbere, vt in quotidiano spiritali certamine aduersarium vincat: sed & si rudem illum viderit, non solum fidei Christianæ documentis instruere, verũ etiam ad viam salutis, virtutumq; Christianarum disciplinam erudire cohortationibus, atq; exemplis, vt in sacramento Baptismi traditum est.

Quamobrem patrinus is deligatur, qui non solum doctrinæ Christianæ instituta præceptaq; teneat; sed etiam qui vitæ piæ exẽplo ita se instruit, vt magister, vereq;